

SCRIPT OF EVENING GOJRI NEWS BULLETIN 30JUNE 1700 HRS

ایونینگ گو جری نیوز بلیٹن مورخہ 30 جون 2025

یوہ آکا شوانی جموں ہے عبیدلرحمان تے نصرت تیں خبر سُنو۔

HEADLINES

۱۔ لیفٹیننٹ گورنر منوج سنہا نے بالٹال بنیادی کیمپ غو دورو لاغے اُت امرناتھ یاترا وستے کی گئی تیاریاں غو جائیزو لیو تے یقین ظاہر کی وکہ اس سال عقیدت مند اپنا اپ نانہہ زیادہ پُر سکون تے محفوظ محسوس کریں گا۔

۲۔ امرناتھ یاترا غے دوران ماحولیاتی تحفظ تے کوڑا کرکٹ تیں پاک ماحول خاطر ایل جی موصوف نے بالٹال گا مقام ور آئی ای سی مہم غی شروعات کی ہے۔

۳۔ وزیر اعلیٰ عمر عبداللہ نے کہیو ہے کہ جموں کشمیر غے اندر تجارت غی ترقی وستے خریداراں تے اشیاء فروخت کرن آلا افراد غی میٹنگ ضروری ہے۔

۴۔ امرناتھ یاترا وستے آد لائن اندراج غو سلسلو آئیندہ کل جموں غا اندر 3 مرکزوں ور شروع وے غو۔

۵۔ چناب دریا ور قائم سلال ڈیم غا دروازہ کھول دتا گیا ہیں جس نال دریا مانہہ پانی غی سطح بدھ گئی ہے تے انتظامیہ غی طرفوں ہدایت وی جاری کی گئی ہیں۔

LG BALTAL

امرناتھ یاترا 2025 غا سلسلہ مانہہ اج لیفٹیننٹ گورنر منوج سنہا نے سونامرگ مانہہ قائم بالٹال بنیادی کیمپ غو دورو لایو تے حفاظتی دستاں تے سول انتظامیہ غا کئی اعلیٰ حکام نال اعلیٰ سطحی میٹنگ غے دوران یاترا وستے کیا گیا انتظامات غو جائیزو لیوا پنا دورہ غے دوران ایل جی موصوف نے زمینی سطح ور یاترا وستے کی گئی تیاریاں گو جائیزو لیو تے بکھ بکھ حفاظتی تے انتظامیہ ایجنسیاں غا تال میل ور تفصیلی گل بات کی میٹنگ تیں بعد ایل جی موصوف نے ذرائع ابلاغ نال گل بات کرتا وں کہیو کہ وے یقین نال کہ سکیں کہ اس سال غی امرناتھ یاترا گزشتہ سال غی یاترا غی بانسبت زیادہ بہتر وے غی اپنی گل بات غے دوران ایل جی موصوف نے اس طرح کہیو۔

LG IEC CAMPAIGN

لیفٹیننٹ گورنر منوج سنہا نے ایک جامع آئی ای سی مہم غی شروعات کی ہے ت اس سال شری امرناتھ یاترا نانہہ صاف ستھراں تے ماحول دوستانہ بنان خاطر دیہی ترقی محکمہ غیاندر بکھ بکھ اہم اقدامات شروع کیا گیا ہیں ان اقدامات گو مقصد اس سال یاترا وستے آن آلا عقیدت منداں نانہہ صاف ستھرو تے معیاری ماحول فراہم کرنو ہے کوڑا کرکٹ تیں علاوہ نانہہ پال رکھنو ہے ایل جی موصوف نے یاترا نال جڑیا لوکاں نانہہ کہیو ہے کہ وے ہمالیائی ماحول غی حفاظت تے صاف صفائی خاطر مل جُل غے کام کریں تے ماحولیاتی تحفظ نانہہ یقینی بناویں۔

CM SKICC MEET

وزیر اعلیٰ عمر عبداللہ نے اج ایس کے آئی سی سی سرینگر مانہہ جموں کشمیر بین القوامی کریدو فروخت میٹنگ وستے منعقد پروگرام غو افتتاح کیو اس دوران وزیر اعلیٰ

نے کہیو ہے کہ اس طرز غا پروگرام تجارت تے مقامی کاروبار غی ترقی وستے بہت اہمیت رکھیں ایس کے آئی سی سی مانہ ذرائع ابلاغ نال گل بات کرتا مانہ وزیر اعلیٰ نے کہیو کہ اس طرز غا پروگرام غو اثر آئندہ دنان مانہ دیکھیو جاسکے غو انہاں نے مزید کہیو کہ اشیاء خریدن تے بیچن آلاں غی ایک میٹنگ تمام معاملن غو حل نہیں کرسکتی لیکن یاہ ایک اچھی شروعات ہے وزیر اعلیٰ نے کہیو کہ ہم نانہ اس طرز غا تقریباً 6 مزید پروگرام منعقد کران غی ضرورت ہے تانجے مقامی کاروباریاں غی مدد کی جاسکے۔ انہاں نے مزید کہیو کہ مقامی فروخت کاراں تے ملکی سطح غا خریداراں بشکار لگاتار رابطہ ضروری ہے تانجے پورا ملک غے اندر جموں کشمیر غی ذریعی پیداوار پھلاں تے دیگر ہتھ کھڈی نال تیار کی گئی اشیاء آسانی نال فروخت کی جاسکیں۔

TAWI AARTI

پلک تیں دریا تو ی غ اکنڈا رنگاں تیں جگمگا اٹھے غا کیونجے انتظار کی جان آلی روزانہ غی تو ی آرتی شروع ہون جاری ہے یاہ روحانی تقریب ہر شام 7 بجے چوتھا پُل غے قریب بانیں کنارہ ور منعقد وے غی یاہ آرتی ثقافتی ورثہ تے روحانی تکجہتی نانہ فروغ دینواسطے منعقد کی جارہی ہے جت مقدس منتر جلتا دیا تے تو ی ندی غا پُرسکون بہاو ایک دلکش منظر پیش کرے غو مقامی افراد تے سیاحان نانہ اس روحانی تجربہ مانہ شامل ہون غی دعوت دتی گئی ہے حکام نے بھیڑ تے حفاظت غا انتظامات کیا ہیں ذرائع ابلاغ سنگ گل کرتا واں جے ایم سی غا کمشنر دیوانس یادو نے اس طرح کہیو۔

TOKEN AMARNATH

امرناٹھ یاترا غا قریب آتا ہی انتظامات زور و شور تیں جاری ہے یاتریاں واسطے ٹوکن غی تقسیم جموں غا سروسوتی دام مانہ شروع ہو چکی ہے جت سویرے تیں کاونٹر کھلا وی ہیں جموں ساوتھ غا ایس ڈی ایم منو ہنسا نے دسیو کہ یہی واحد مرکز ہے جے یاتری اپنا ٹوکن حاصل کرسکیں تے یاترا واسطے آف لائن اندراج پلک تیں شروع ہو رہیو ہے جہیڑی ترے مرکز مانہ وے غی، ویشنوی دام، پنچائیت بھون تے مہاجت سبھا حکام نے یاتریاں تیں گزارش کی ہے کہ ضروری دستاویزات نال رکھیں تے تمام ضوابط ور عمل کریں تانجے اندراج غا عمل مانہ آسانی وے۔

DRY RUN BANIHAL

شری امرناٹھ جی یاترا 2025 غا تناظر مانہ خطائی کمشنر جموں رامیش کمار تے پولیس غا انسپکٹر جنرل بھیم سین ٹوٹی نے جموں سرینگر قومی شاہراہ ور لمبر میدان بانہا گا مقام ور گڈیاں غی آمدرفت غو مجموعی معاینو کیو اس دوران خطائی کمشنر جموں نے بانہال جاتاں چندرکوٹ غا مقام ور لنگر آلی جگہ غو وی جانیزو لیو۔ اس معاینوہ غ و مقصد شری امرناٹھ یاترا وستے آریا عقیدت مندان وستے دستیاب سہولتاں غا جانیزو لینو تھو جن مانہ عقیدت مندان غا کھان پین آرام صفائی ستھرائی طبعی امداد تے گڈیاں غی آمدرفت غا بہتر انتظامات شامل ہیں اس موقعہ ور ذرائع ابلاغ نال گل کرتا واں خطائی کمشنر جموں نے اس طرح کہیو۔

SALAL GATES

علاقہ مانہہ مسلسل تے شدید بارشاں غے پیش نظر سلال ڈیم غا دروازہ کھول دتا گیا ہیں
تانجے پانی غا بدھتا واں بہاو ور قابو رکھیو جاسکے اس احتیاطی قدم غے باعث دریا چناب
غ وپانی نچلی سطح ور بدھ گیو ہے ضلع انتظامیہ نے ایک احتیاطی تدابیر جاری کرتا واں
کہیو ہے جس مانہہ خاص طور ور نچلا علاقہ تے دریا غے کنڈے رہن آلا لوکاں نانہہ ہوشیار
رہن واسطے کہیو گیو ہے تے دریا غے قریب جان تیں پریش کرن بارے کہیو گیو ہے مابی
گیریاں تے ریت کڈن آلا نالے اس تیں متعلقہ کماں مانہہ مصرف افراد نانہہ سختی تیں ہدایت
کی گئی ہے کہ اگلی اطلاع توڑی تمام سرگرمیاں نانہہ معطل کردیں۔ اس بارے گل کرتا واں
ایک پولیس اہلکار نے اس طرح کہیو۔

RAMBAN YATRA ARRANGEMENTS

سالانہ امرناتھ یاترا 3 جولائی تیں شروع ہو رہی ہے جس غے تحت یاتریاں غو پہلو جتھو
جموں غا بھگوتی نگر بیس کیمپ تیں روانہ وے غو ان غی روانگی واسطے حفاظت غا سخت
انتظامات تے انتظامیہ غی طرفوں سخت پروٹوکال نافذ کیا گیا ہیں۔ اس دوران ایڈیشنل ڈپٹی
کمشنر ورون جیت سنگھ چارک نے چندرکوٹ لمبر بانہال تے دیگر اہم مقامات ور انتظامات
غو جائیزو لیو۔ ضلع انتظامیہ رام بن نے یاترا غے دوران یاتریاں غی حفاظت سہولت تے آرام
نانہہ یقینی بنان واسطے تمام تیاری مکمل کرلی ہیں۔ اس بارے گل کرتا واں رام بن غا ایڈیشنل
ڈی سی ورون جیت سنگھ چارک نے اس طرح کہیو۔
